

ИСТИҚЛОЛ ЁР-ЁРИ

Ҳай-ҳай ўлан, жон ўлан,
Жононадир, ёр-ёр!
Ватан деган муқаддас
Кошонадир, ёр-ёр!

Ўзбекистан аталган
Чамандир бу, ёр-ёр!
Заминдаги энг гўзал
Ватандир бу, ёр-ёр!

Истиқлолдан ўргилай,
Юртга кулди, ёр-ёр!
Ўзбек эли ўзлигин
Таний билди, ёр-ёр!

Мустақиллик нимадир,
Сўранг биздан, ёр-ёр!
Сўранг буни эркин-шўх
Ўғил-қиздан, ёр-ёр!

Истиблолнинг остида
Чекдик азоб, ёр-ёр!
Шунинг учун ҳурликни
Этинг тавоф, ёр-ёр!

Юрт номини жаҳрнга
Танитайлик, ёр-ёр!
Ўзбекистон шуҳратин
Мадҳ этайлик, ёр-ёр!

Бу дунёда ниятлар,
Ўйлар ҳар хил, ёр-ёр!
Етажакмиз муродга
Бўлсак аҳил, ёр-ёр!

Ушбу йўлда яхшилар
Йўлдошимиз, ёр-ёр!
Омон бўлсин ҳамиша
Юртбошимиз, ёр-ёр!

Ҳай-ҳай ўлан, жон ўлан,
Жононадир, ёр-ёр!
Ватан деган муқаддас
Кошонадир ёр-ёр!

1995

Мирпўлат Мирзони
сайланма шер китобидан